

VENDIM
Nr.8, datë 4.1.2012

**PËR SHPRONËSIMIN, PËR INTERES PUBLIK, TË PRONARIT TË PASURISË SË
PALUAJTSHME, PRONË PRIVATE, QË PREKET NGA SISTEMIMI I SHESHIT DHE
VENDPARKIMIT TË MAKINAVE TË ZYRAVE, NË KOMUNËN LIVADHJA, TË
QARKUT TË VLORËS**

Në mbështetje të nenit 100 të Kushtetutës dhe të neneve 5 pika 1, 20 e 21 të ligjit nr.8561, datë 22.12.1999 “Për shpronësimet dhe marrjen në përdorim të përkohshëm të pasurisë, pronë private, për interes publik”, me propozimin e Ministrit të Brendshëm, Këshilli i Ministrave

VENDOSI:

1. Shpronësimin, për interes publik, të pronarit të pasurisë së paluajtshme, pronë private, që preket nga sistemimi i sheshit dhe vendparkimit të makinave të zyrave, në komunën Livadhja të qarkut të Vlorës.

2. Shpronësimi të bëhet në favor të komunës Livadhja të qarkut të Vlorës.

3. Pronari i pasurisë së paluajtshme, që shpronësohet, të kompensohet në lekë, në vlerë të plotë, sipas masës përkatëse që paraqitet në tabelën, që i bashkëlidhet këtij vendimi dhe është pjesë përbërëse e tij, për sipërfaqen prej 151 (njëqind e pesëdhjetë e një) m², truall, në shumën e përgjithshme të shpronësimit 236 013 (dyqind e tridhjetë e gjashtë mijë e trembëdhjetë) lekësh.

4. Vlera e përgjithshme e shpronësimit të përballohet nga të ardhurat e komunës Livadhja të qarkut të Vlorës, planifikuar në buxhetin e saj.

5. Vlera e shpenzimeve procedurale të përballohet po nga komuna Livadhja e qarkut të Vlorës.

6. Afati i përfundimit të procedurës së shpronësimit të jetë tre muaj pas datës së hyrjes në fuqi të këtij vendimi.

7. Afati i përfundimit të punimeve për këtë objekt të jetë në përputhje me afatet e parashikuara nga komuna Livadhja e qarkut të Vlorës, për realizimin e këtij projekti.

8. Regjistrimi i ri i pasurisë, prej 151 (njëqind e pesëdhjetë e një) m² truall, shpronësuar në favor të komunës Livadhja të qarkut të Vlorës, të bëhet brenda 30 (tridhjetë) ditëve nga data e hyrjes në fuqi të këtij vendimi.

9. Ngarkohen Ministria e Brendshme dhe komuna Livadhja e qarkut të Vlorës për ndjekjen e zbatimit të këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha